

縣志卷之二

城池

護城堤

渠道

橋梁附

天地設險山川是也王公設險城池是也原無形勝所恃以爲固者城池而已惟是地旣平行又濱大河衝決之患無代無之而馬營之決懷襄三載城池之壞於斯極矣仰賴

皇仁重茲防禦

特允動帑興修越三載乃告成功雖一時煥然改觀頗稱完固而官民勞費已屬不貲後之官斯土者有

基勿壞以時修補庶幾事半功倍得春秋體險之用哉

原武古卷縣地卷縣舊址在縣北七里許土城猶存今名爲圉相城今縣治創於漢初其後歷代修築未詳

明

洪武四年縣丞江忠重修有碑記後圯於河

正統年間知縣謝寧復建土城未幾損壞

按通志明景泰三年因河患詔遷原武縣以今治

爲古卷舊址本景帝實錄與舊志不合姑兩存之
以備稽考遷縣詳見古蹟

嘉靖十一年知縣楊順重修名其門曰東門迎旭西
曰餞熹南曰朝陽北曰西關

崇禎十三年流寇猖獗知縣李如椿重修乃改用
磚包未竣解任去署令李愈華踵成之

國朝

順治十四年大雨傾塌知縣寧弘舒重修

康熙二十一年歲久漸復傾圯知縣張金式重修

疏濬池壕建立吊橋有碑記

康熙六十一年河決武陟縣馬營口水勢洶湧
入護城壕城下水深丈餘雉堞全圯僅存土斂
雍正六年督憲田文鏡飭令修築以工大費繁議
改建土城估計銀七千兩知縣靳樹玉承修數十
丈緣事去

雍正八年知縣吳文沂到任以綿城俱係新淤飛
沙土性鬆惡萬難修築土城卽勉強告竣恐異日
大爲官民之累再三申請仍改磚城原估不敷場

力從事不以累民三年功成仍遵前明知縣謝寧

所築舊式城垣周圍四里零九十八步高二丈頂

寬一丈五尺底寬三丈二尺外磚砌內土

土疎難立

乃募人令築土一尺費長草一層草長土結土

錢乃堅女牆一千九十九

六尺寬二尺三寸砲臺十三座頂寬七尺五寸底

寬一丈添設涵洞四內口寬四尺外口寬三尺城

門甕圈四深三丈寬一丈四尺高一丈六尺門樓

四闊一丈三尺深一丈二尺頂高一丈六尺四面

飛簷角樓四簷高一丈二尺深八尺寬九尺改名

朝陽門曰帶河面關門曰聚星餞熹門曰挹爽東
仍舊

池濶二丈深一丈康熙六十一年河決淤平

乾隆九年知縣吳文忻挑濬如舊池上遍植楊柳
池內盡栽蓮藕

護城堤

明

弘治十四年知縣張愷因河決築周圍十四里

國朝

康熙六十一年河決衝潰淤沒

乾隆七年知縣吳文炘重築如舊

溝渠

原邑自康熙六十一年河決以後城外地勢高於城內且洩出河道及城南一帶鹽鹵之地每遇秋霖輒多積水不惟有妨城工亦且湮沒民田乾隆二年奉憲檄查水利知縣吳文炘親勘形勢詳院咨部開南北兩渠暨官道渠水乃通流無沮洳之患矣

城南溝渠一道西至王村起東至陽武縣界止歸入陽武縣溝渠長五千七百九十丈面寬八九尺至一丈不等底寬五六尺不等深四五尺不等城北溝渠一道西自張村庄起東至婁采店後止歸入城南溝渠長五千八百六十丈面寬八九尺至一丈不等底寬五六尺不等深四五尺不等

官道渠自縣西十五里王村起經縣至東二十里合角村止中爲官道疊土高出平地二尺許兩旁栽柳綠蔭綿延數十里柳外爲兩渠每遇秋霖

水東注

橋梁

板橋四在四門外爲城壕通處康熙二十年知縣張金式建後壞改修磚橋康熙六十年河決淤沒乾隆十年知縣吳文忻仍修磚橋

濟涉橋在東護城堤外今廢

慧通橋在城西南隅嘉靖年間建久廢康熙六十年左右居民重修

新渠橋在縣東東嶽廟前乾隆三年知縣吳文忻

建

通渠橋在縣南護城堤外乾隆三年左右鄉士民建

合渠橋在婁采店兩渠會合於此土人砌石爲之

學校

國家建學育才隆殿廡以崇俎豆設堂齋以課生
徒置官師以司董戒備廩餼以資膏火甚盛典也
蓋以斯文重地必宮牆巍煥而後隆師重道崇德
廣業人才出焉原雖褊小數年以來屢膺科名斯
亦蔚起之漸也學宮舊遭傾損我官師士民漸次
修整既已丹雘輝煌矣欣逢

國家雅意右文念豫省人文日盛增廣入學名數於
雍正二年原邑升爲中學併復生員廩餼原額核

樸作人於斯爲盛訓行有自多士奮焉興賢育德
職在官師其各體念之哉

儒學在縣東街其始創不可考元初燬於兵大德
三年學正彭穆重建

明

洪武四年縣丞江忠復建

成化年間知縣謝寧重修

正德年間知縣王經重修

嘉靖三十二年知縣黃元吉增新舊制爲正殿五

間東西廡各七間戟門五間義民胡福等倡捐
資見明倫堂碑陰

櫺星門明知縣惠及民建泮池在櫺星門內

國朝

康熙八年知縣鄧奇重修有記載藝文

康熙二十三年奉

旨頒發御製萬世師表扁額

康熙二十四年知縣張金式重修

康熙二十八年知縣詹槐芬捐俸置備樂器百六

十二

康熙五十二年署令延津縣知縣任洵重修有碑
記載藝文

康熙六十一年河決城外淤泥勢高城內水不能
出縣東街地更早濕每遇秋霖集水不流 大成
殿前以至櫺星門皆在水中

乾隆四年知縣吳文所首捐俸銀且延紳士愷切
勸捐士民踴躍從事 大成殿屋宇三尺其餘接
次增高逾年告成丹雘輝煌燦然一新邑人貢生

婁廷彥獨力捐修戟門靈寶訓導王芳璧貢生師
應午督工勤勞有記載藝文

雍正二年奉

旨頒發御製生民未有扁額

乾隆三年奉

旨頒發御製與天地參扁額

啟聖公祠在明倫堂后明知縣張祥建

康熙二十一年邑庠生婁繼周捐貲重修

雍正元年加封

先師以上五代爲王爵改爲崇聖祠

名宦祠在戟門東

鄉賢祠在戟門西俱明知縣惠及民建

國朝

乾隆九年知縣吳文炘重修

文昌祠在學宮之東明知縣惠及民改建於鄉賢祠之西有記載藝文

國朝

康熙八年知縣鄧帝重修

康熙五十一年知縣時際泰重修

乾隆九年知縣吳文炘重修本縣西街義民杜繼
柳倡首捐銀六十兩併督工甚勤

奎樓在儒林門北崇德齋東南明知縣張祥建後
圯康熙三十六年邑拔貢薛永定倡首捐貲用堪
輿言移建城上東南隅有碑記

儒林門在樞星門東明教諭蔣允正建

明倫堂在崇聖祠前明教諭蔣允正建

國朝